

**RELATORIU SEMANAL**

**16 ate 23 Juñu 2021**

**MONITORIZASAUN BA  
IMPLEMENTASAUN VASINA IHA  
TERRITÓRIU-TIMOR-LESTE**

**Forum ONG Timor-Leste – FONGTIL  
Vaccine Monitoring**

**FONGTIL-ReNAS**

## Lista Konteúdu

### Contents

<b>Introdusaun .....</b>	3
<b>Objetivu Monitorizaun .....</b>	3
<b>Se mak implementa Monitorizaun.....</b>	3
<b>Area Monitorizaun (Lokasaun no tempu ).....</b>	4
<b>Area Programa mak sei halo Monitorizaun.....</b>	4
<b>Prosesu Monitorizaun no Advokasia .....</b>	4
<b>Metodolojia Monitrizasaun .....</b>	4
<b>Deskobrimentu Monitorizaun Vasina.....</b>	5
Konklusaun no Rekomendasau.....	11
Konklusaun .....	12
Rekomendasau.....	12

## **Introdusaun**

Forum ONG Timor Leste (FONGTIL) ne'ebe nudár organizasaun sombriña ba ONGs sira no nudár mós organizasaun sosiedade sivil iha Timor-Leste. **FONGTIL halo nia kna'r hodi apoiu politika guvernu nian katak to'o decembro 2021 populasaun Timor-Leste mais 80 % simu ona Vacina.** FONGTIL asegura katak oinsa ministerio saude, liu-liu pessoal saude sira bele presta atendimento diak ba populasaun sira, nune bele hasae taxa partisipasaun populasaun ba simu vacinasaun. FONGTIL destaka 44 ne'ebe halo monitorizaun ba programa Vacinasaun iha Postu 65, 12 Municipio no RAEOA, monitoring refere sei hahu June ate decembro 2021

Forum ONG Timor-Leste tinan barak ona fó apoiu ba ONG membru no rede sektorál sira hodi implementa monitorizaun no advokasia inklui implementasaun programa auditoria sosiál ba setór prioridade governu nian hanesan saúde, edukasaun, agrikultura, infrastrutura báziku no programa transversal sira igualdade jéneru, defisiénsia no inkluziun sosiál.

Husi parte saúde nian, tinan ida liu ona mundu enfrenta situaun COVID-19, no to agora kuaze ema liu tokon 170 mak intestadu husi COVID-19, mate tokon 3 atus lima no Timor-Leste hasoru inimigu invizivel ema sira mak rekopera tokon 152 <https://www.worldometers.info/coronavirus/>. Iha Timor-Leste rasik hahú husi fulan Marsu 2020 to agora total populasaun mak intestadu COVID-19 rihun neen liu, rekopera besik rihun haat no mate 15 (COVID-19 Timor-Lete Update 29 Maiu 2021).

Governu Timor-Leste, Organizasaun Saúde Mundial, no organizasaun hotu-hotu servisu hodi responde ba situaun pandemia COVID-19 liu husi hamosu lejizlasaun sira, Protokolu no inklui mata dalan planeamentu no implementasaun COVID-19 mak aprova husi Konsellu Ministru iha 26 Maiu 2021 <http://timor-leste.gov.tl/?p=28202&lang=tp>.

Vasina hanesan meius preventiva ba pandemia COVID-19, nune'e atu garante efikásia, kualidade prestasaun servisu no direitu sidadaun nian mak importante envolvimentu sosiedade sivil hodi halo monitorizaun no advokasia.

## **Objetivu Monitorizasaun**

Objetivu husi monitorizasaun mak:

- Atu asegura iha retroasaun (feedback) hodi asegura prestasaun servisu mak iha kualidade, efikásia no inkluzivu
- Asegura komunidade ninia direitu hodi asesu ba informasaun husi importante husi vasina no asesu ba vasina ho konsiénsia rasik
- Asegura iha retroasaun (feedback) ba públiku hodi hasa'e partisipasaun públiku iha vasina hanesan meius hodi kontribui ba prevensaun COVID-19.

## **Se mak implementa Monitorizasaun**

FONGTIL mak sei lidera servisu monitorizasaun membru ONG sira iha territóriu tomak, iha espetasaun ONG 39 mak hala'o programa monitorizasaun ida ne'e, ho kada munisipiu ONG

tolu. Ho nune'e relatoriu NGO ne'ebe tama ona mai iha FONGTIL hodi elabora dadus mak NGO ANCT-TL, Forum Tau Matan, Sharis Haburas Comunidade (SHS), Centru Comunidade Covalima, Juventude inovativu.

### **Area No Tempu Monitorizasaun (Lokasaun no tempu)**

Monitorizasaun ida ne'e halo iha municipiu dili mak kampus UNTL no SAMES, centru saude Formoza, sentru saude becora, Clinica Fatumeta no municipiu covalima iha postu administrativu Fatulilik suku fatululik no suku Taroman ho tarjetu ba fatin sira implementasaun vasina nian. Ho nune'e relatoriu NGO sira ne'ebe hatama ona rezultadu monitorizasaun mai iha FONGTIL hosi Ioron 16 t'o 23 Juñu 2021 mak NGO ANCT-TL, Forum Tau Matan, Sharis Haburas Comunidade (SHS), Centru Comunidade Covalima no Juventude inovativu.

### **Area Programa mak sei halo Monitorizasaun**

Programa Monitorizasaun ida sei foku ba Setór Saúde ho fokus ba implementasaun programa Vasinasaun COVID-19 iha territóriu Timor-Leste.


### **Prosesu Monitorizasaun no Advokasia**

1. Faze preparasaun, sei organiza ONG membru tolu kada munisipiu hodi halo orientasaun kona-ba prosesu monitorizasaun.
2. ONG membru sira sei rekolla dadus iha territóriu Timor-Leste tomak liu husi métodu observasaun, dada lia pesoál saúde, lider komunidade no membru komunidade (hare métodu espesífiku tuir pergunta).
3. ONG membru sira iha Munisipiu ida-idak sei organiza dadus inklui halo entry ba formatu prienze dadus nian mak kria iha kada munisipiu no apresenta ba sekretáriadu FONGTIL
4. Ekipa téknika ida iha sekretáriadu FONGTIL sei organiza dadus sira, kompila dadus prodús relatóriu deskobrementu no Diretor Ezekutivu regulármente sei hato'o ba público no dirije ba ministériu relevante.
5. Prosesu follow no avaliaçasaun advokasia sei planeia hodi garante realizasaun ba rekomendasau sira.


### **Metodolojia Monitrizasaun**

Monitorizasaun ne'e uja mak métodu observasaun no rekolla dadus uja chek list ka kestionariu badak ida atu observa ba prosesu vasinasaun sira iha sentru vasina nian. Hosi método halibur dadus hotu sei organiza dadus no analiza dadus uja softwear SPSS no formatu prienze dadus nian, nune'e mos uja analiza deskritivu persentazen ba grafiku ba perguntas sira ne'ebe iha. Analiza hotu sei elabora no interpreta persentazen dadus sira.


## Deskobrimentu hosi Monitorizasaun Vasina hosi loron 16 to'o 23 Junu 2021



Deskobrimentu grafiku ba Prosesu rejistrasaun ba vasinasaun iha fatin sentru vasinasaun ne'e kuaze **69.23% mak rejistru lao diak no pesoal saude sira tuir tempu**, tuir mak rejistru la lao diak no pesoal saude sira halo atendimentu la tuir tempu ne'e hetan 15,38%, opsaun seluk no rejistrasaun lao diak no pesoal saude sira dala ruma tuir tempu no dala ruma lae hetan 7,69%. Ne'e hatudu Persentazen ba rejistrasaun diak no pesoal saude sira tuir tempu ne'e ass ona maibe presija hadia diak liu tan no kontinua servisu ne'e ho profisional liu tan.




Deskobrimentu semanal 16 ate 23 juñu deskobre katak Pesoal saude sira kria orariu vasinasaun ka lae ne'e deskobre katak persentazen 46,15% mak la iha orariu no avizu maibe komunidade sira rona deit hosi vizinu ka familia deit. Rezultadu deskobrimentu 30,77% mak pesoal saude sira halo avizu hosi pesoal saude sira iha bairo ka suku no persentazen 23,08% mak iha orariu vasina nian eskrita no fahe ho komunidade sira. Deskobrimentu ne'e hatete katak presija tebes fahe orariu eskrita ba vasinasaun nian no bele fahe ba komunidade sira hodi hatene antes halo vasinasaun.




Rezultadu deskobrimentu semana loron 16 ate 23 juñu, deskobre katak Pesoal saude sira halo atendementu ba vasina dala ruma tuir orariu no dala ruma lae hetan persentazen 30,77% no pesoal saude sira halo atendementu vasinasaun tuir orariu hetan 69,23% ne'e signfika katak atendementu diak iha semana ida nia laran maibe husu nafatin oinsa melhora diak liu tan no profisional liu tan.

### Pesoál saúde sira hetan ona treinamentu adekuadu hodi halo vasina?




4. Pesoál saúde sira hetan ona treinamentu adekuadu hodi halo vasina?

### Pesoál saúde uza ekipamentu protesaun pesoál iha momentu...



### Fatin vasina iha espasu no ambiente ijiene



Deskobrimentu iha semana Ioron 16 ate 23 juñu deskobre katak doutor no pesoal saude sira hetan ona trenamentu adekuadu hodi halo vasinasau nia rezultadu mak 69,23% hatudu katak doutor no pesoal saude sira hotu hetan ona treinamentu adekuadu hodi halo vasinasau ba komunidade no 25% mak doutor no pesoal saude sira balun deit mak hetan treinamentu adekuadu hodi halo vasina. Treinamentu ba doutor no pesoal saude sira ne'e importante liu no nafatin kontinua hodi nune'e komunidade hotu bele ba vasina ho seguru.


Deskobrimentu iha semana Ioron 16 jate 23 juñu mak pesoal saude uja ekipamentu protesaun pesoal (EPP) ho kompletu ne'e 53,85% hatudu katak presija servisu makas tan hodi nune'e bele oriente ba Pesoal saude sira hotu uja EPP no pesoal saude uja EPP maibe la kompletu hamutuk 46,15%.

Ida ne'e hatudu katak presija completa no orienta hodi nune pesoal saude sira uja EPP hodi proteze an no beleseguru no komunidade bele fier pesoal saude sira.

Deskobrimentu iha semana Ioron 16 ate 23 juñu 2021 kona ba fatin vasina iha espasu no ambiente ijiene ne'e deskobre katakfatin luan no espasu akomodasaun membru komunidade atu vasina no ambiente ijiene no fatin ladun suficiente hodi akomoda membru kominidade atu vasina no ambiente ladun ijiene ne'e hetan 28,46%.


Fatin la iha espasu no ambiente la ijiene ne'e hetan 23,08% ne'e katak presija esforsu diak liu tan no buka fatin ne'ebe diak hodi halo vasinasau. Husi rezultadu ladun no no la iha espasu no ambiente la ijiene ita tau hamutuk pontus ne'e nia hetan 61,56% ida ne'e hatudu katak presija esforsu nafatin no tau atensaun ba fatin vasinasau iha espasu no ambiente hjiene.

Fatin vasina prepara ekipamentu prevensaun COVID-19 nian hanesan fasilitade fase liman, sanitizer no seluk-seluk tan?




8. Fatin vasina prepara ekipamentu prevensaun COVID-19 nian hanesan fasilitade fase liman, ...

Fatin vasina assesivél ba ema ho defisiénsia no idozu sira



6. Pesoál saúde Fahe informasaun ba komunidade kona-ba importante husi vasina




Deskobrimentu iha semana 16 ate 23 juñu 2021 kona fatin vasina nian prepara ekipamentu prevensaun COVID 19 nian hanesan fasilitade fase liman, sanitizer no seluk tan ne'e deskobre katak fatin vasina ladun adekuadu iha fasilitade be'e, haris fatin, fase liman ho sabaun, material prevensaun hanesan sanitizer hetan 46,15%. fatin iha be'e, haris fatin no fasilitade fase liman ho sabaun no materia prevensaun sira seluk hanesan sanitizer ne'e hetan 30,77% no oposaun seluk hetan 23,08% katak presija servisu makas tan hodi bele prepara atu nune komunidade sira nebe mai vasina bele uja no tenki halo promosun saude ba komunidade.


Deskobrimentu iha semana 16 ate 23 juñu 2021 kona ba fatin vasina asesivel ba ema ho defisiensia no idozus sira ida ne'e deskobre katak la iha no ladun iha asesibilidade ba ema ho defisiensia no idozus sira ne'e hetan pontus sira ne'e ta hamutuk 91,30% no fatin sira nebe iha asesibilidade ba ema ho defisiensia no idozus sira hetan deit 7,69% ne'e hatudu katak presija atensaun makas ba fatin sira nebe halo vasinasaun ne'e hodi tau asesibilidade ka rampa no tenki buka fatin nebe iha asesibilidade ka rampa hodi nunee'e ema ho defisiensia no idozus sira bele hola parte ba vasinasaun ne'e ho seguru.

Deskobrimentu iha semana 16 junho ate 23 junio mak pesoal saude sira fahe informasaun ba komunidade kona ba importansia nia ita deskobre katak komunidade hetan esplikasaun klean kona ba importansia vasina husi pesoal saude momentu vasina ne'e hetan 53,85% no komunidade hetan esplikasaun husi membru familia no vizinu no la komprende kona ba importansia husi vasina ne'e hetan 46,15%. Ida ne'e presija atensaun hodi fahe informasaun ba komunidade sira hodi partisipa vasinasaun ho diak.


Deskobrimentu iha semana 16 junho ate 23 junio 2021 kona ba fatin vasinasaun sentru ba komunidade no atrai partisipasaun ne'e deskobre katak Fatin vasina ladun sentru no difikulta komunidade nia partisipasaun hodi tuir vasina tamba balun dok no balun besik ne'e hetan 46,15%, fatin sentru no la difikulta komunidade ninia partisipasaun hodi tuir vasina ne'e hetan 30,77% no opsaun seluk 23,08%. Deskobrimentu ida ne'e ita tau hamutuk pontus opsaun selukno fatin ladun sentru no difikulta ba komunidade nia partisipasaun ne'e hatmutuk 69,23% ne'e hatudu katak presija hadia fatin vasina sira buka fatin ne'ebe sentru no labele difikulta komunidade atu nun'e atrai partisipasaun komunidade hodi tuir vasinasaun numeru bele aumenta tuir guvernu nia hakarak.




**Memburu Komunidade mak atu vasina kumpre Protokolu saúde nian kona-ba distânsia, uza máskara no iha fasilitade prevensaun ijiene pesoál**



**Memburu komunidade simu vasina ho konsiênsia rasik sein dudu husi ema seluk ka ameasa ruma?**



**Doutór no Pesoál na'in hira mak atende vasina**




Deskobrimentu iha semana 16 junho ate 23 junu 2021 kona ba membru komunidade nebe mak atu vasina kumpri protokolu saude nian kona ba distansia sosial, uja maskra no fasilitade prevensaun ijiene pesoal ne'e hatudu katak fatin vasina ladun organiza distansiamentu no komunidade ladun kumpri protokolu saude nian kona ba prevensaun Covid19 hetan 69,23% no fatin vasinanian organiza distansiamentu no komunidade kumpri protokolu saude nian kona ba covid19 ne'e hetan 7,69% deit no opsaun seluk ne'e 23,08%. Presija tau atensaun diak liu tan ba parte prevensaun COVID-19 nian.

Deskobrimentu iha semana 16 junho ate 23 junu 2021 kona ba membru komunidade simu vasina ho konsiênsia rasik sein dudu husi ema seluk ka ameansa ruma ne'e ita desobre katak komunidade sira ba simu vasina la ho konsiênsia maibe hakarak atu bele la'o ba mai livre hetan persentazen 84,62% no membru komunidade simu vasina ho konsiênsia rasik tamba kumpriende importânsia husi vasina hodi halo prevensaun Covid-19 ne'e ho persentazen 15,38%.


Ne'e hatudu katak presija sosializa nafatin importânsia vasina nian hodi nune'e sidaudaun sira bele kompriende hodi bele simu ho konsiênsia rasik, ema barak ba vasina tamba hakarak lao livre ne'e la fo solusaun diak ba sosiedade tamba ne'e hanesan obrigasaun ida tamba hakarak livre ba mai maibe laos atu prevene moras COVID-19.

Deskobrimentu iha semana 16 junho ate 23 junu 2021 kona ba Doutor no pesoal saude hira mak halo atendementu ba vasinasau desobre katak numeru doutor no pesoal saude sira mak halo atendimentu barak no atendimentu lalais ne'e hetan 38,46%, numeru doutor no pesoal saude limitadu tebes nune'e atendementu kleur tebes, labele responde membru komunidade nebe marka prezensa hetan 23,08 no opsaun seluk ne'e hetan deit 30,77% no numeru doutor no pesoal saude sira la balansu ho membru komunidade nune'e atendimentu kleur ne'e 7,69%. Ho ida ne'e hatudu katak numeru doutor no pesoal saude sira halo atendementu barak no lalais ne'e kiik liu no presija hasae numeru doutor no pesoal saude sira hodi fo atendimentu lalais atu nune'e komunidade sira bele hetan vasina hotu.

**Doutór sira sei Konsultasaun uluk no membru komunidade livre hodi ko'alia sai istória moras nian antes simu vasina?**



Deskobrimentu iha semana 16 junho ate 23 junu 2021 kona ba doutor sira sei konsultasaun uluk ho membru komunidade livre hodi koalia sai istoria moras nian antes simu vasina ne'e deskobre katak membru komunidade konsulta uluk ho doutor ka pesoal saude sira nee'e ladun ke'e istoria moras nian antes simu vasina no no konsulta liu deit ou la iha konsultasaun ne'e hetan 38,46%, ida ne'e ita tau hamutuk rezultadu ne'e hetan 76,92% hatudu katak ne'e problema no presija hadia servisu no konsulta uluk membru komunidade antes fo vasinasaun, nune'e iha sorin seluk opsaun seluk mos hetan 23,08% tamba kada ves komunidade sira mak lakoi konsulta no lakoi doutor sira ke'e nia istoria moras.



Deskobrimentu iha semana 16 junho ate 23 junu 2021 kona ba pesoal saude halo vasina ba membru komunidade tuir protokolu vasina nian ne'e deskobre katak vasinasaun ho diak no la iha reazen hosi membru komunidade iha momentu vasina nia ne'e hetan 66,67% no vasina lao ho diak maibe iha reazen iha momentu halo vasina ne'e hetan 25,00% no opsaun seluk mak 8,33%.

Ida ne'e hatudu katak diak maibe presija esforsu nafatin oinsa hasae taxa partisipasaun vasina ho diak no la iha reazen hosi membru komunidade iha momentu vasina nian.

**Depois de simu tiha vasina, membru komunidade mak hetan vasina sei deskansa oras ida hodi halo observasaun**




16. Depois de simu tiha vasina, membru komunidade mak hetan vasina sei deskansa oras ida hodi halo


Deskobrimentu iha semana 16 junho ate 23 junu 2021 kona ba depois simu vasina komunidade mak hetan vasina sei deskansa oras ida hodi halo observasaun nian deskobre katak komunidade ne'ebe simu vasina deskansa la to'o oras ida iha fatin vasinasaun hodi halo observasaun ne'e hetan 92,31% no membru komunidade ka ema ne'ebe simu vasina la deskansa no fila direita ne'e 7,69%.

Rezultadu ida ne'e hatudu katak presija atensaun no fo hatene ba membru komunidade sira tenki deskansa iha fatin vasinasaun hodi observa antes membru komunidade sira fila ba uma pelumenus observasaun minutu 20 antes husik fatin vasinasaun.

### Oinsá jestau ba lixu kro'at no lixu Infesaun.




### Oinsá prosesu dokumentasaun no relatóriu sira vasina nian



18. Oinsá prosesu dokumentasaun no relatório sira vasina nian

### Iha ka lae lamentasaun rumá husi komunidade



Deskobrimentu iha semana 16 junho ate 23 junho 2021 kona ba jestau ba lisu kroat no lisu infesaun nian ida ne'e ita deskobre katak lisu kroat (daun,Fresku botir) no lixu infesaun (tissue, luvas no hena) organiza iha fatin ketak-ketak no seguru hetan 76,92% no lisu kroat ( daun, fresku botir) no lixu infesaun ( tissue, luvas no hena) tau hamutuk deit no ladun seguru ne'e hetan 23,08%. Persentazen bo'ot ne'e diak no presija nafatin husu oinsa nafarin jere lisu kroat no lixu infesaun sira ho diak liu tan hodi asegura nafatin ambiente mos.

Deskobrimentu iha semana 16 junho ate 23 junho 2021 kona ba oinsa prosesu dokumentasaun no relatorio sira vasina nian ne'e ita deskobre katak dadus organiza ho diak, komputeriza no komunika ba sentru akumulasaun dadus vasina nian ne'e ita hetan 84,62% no opsaun seluk ne'e 15,38%.

Ida ne'e hatudu katak servisu ba prosesu dokumentasaun no relatorio sira vasina nian ne'e lao diak maibe nafatin servisu makas no garante dokumentu sira ho diak maibe opsaun seluk kada ves dokumentu balu presija atensaun tamba membru komunidade sira mai vasina kartaun kinur hotu no presija habarak tan kartaun vasinasau.

Deskobrimentu iha semana 16 junho ate 23 junho 2021 kona ba lametasaun hosi komunidade nebe vasina ne'e kuaze 92,31% ne'e la iha lamentasaun no 7,69% mak iha lamentasaun.Hosi rezultadu 7,69% ne'e sira reklama tumba kartaun vasinasau ne'e la iha no Pesoal saude sira foto kopy mak fo no atendementu balu ne'ebi doutor no pesoal saude sira ladun esplika didiak importansia no benefisu hosi vasinasau ne'e. liu liu ba komunidade sira mak hakarak ba konsulta ba moras bain bain doutor ka pesoal saude ladun atende didiak no ke'e istoria moras.

**Pontus sira iha deskobrimentus sira mak tuir mai ne'e:**

1. Komunidade ba simu vacina laos ho konsiensia maibe, sira hakarak vacina tanba objectivu atu lao libre no iha komunidade balun ejije hakarak simu doze rua dala ida nune bele libre informasaun hetan husi komunidade ne'ebe simu vacina iha sentru UNTL
2. Iha sentru saude fatululik municipio Covalima, Vikeke no Manatutu, komunidade hotu hakarak simu vacina, maibe vacina maka laiha. FONGTIL kestiona kapasidade guvernunian no FONGTIL konklui katak ministerio saude dez organizador intermus manega distribuisaun vacina ba iha territoriu nasional.
3. Iha sentru saude Hatulia municipio Ermera komunidade kuaze 20 pessoas simu tiha vacina maibe kartaun vacina laiha sira hein hela ate agora sidauk simu. Komunidade kestiona kartaun vacina ne'e tenki original laos photo copy, situasaun ida ne'e akontese iha postu balun sei fo kartaun photo copy sira lakohi. Ezemplu iha Fatumeta, saude komoro. Ida ne'e hatudu mo-mos ministerio saude in kapasidade atu organiza hodi produz deit kartaun mos labele.
4. Pesoal saude iha sentru vasinasaun balun lamenta tanba sira nudar staf kontratadu seidauk simu sira nia direitu to agora maske sira halao ona sira nia dever ho responsabilidade..
5. Stock vasina iha SAMES hotu ona tanba ne sira sujere atu NGO foin bele ba halo monitorizasaun hahu 1 Jullu 2021 bainhira vasina tama. Stock vasina depende ba doasaun hosi nasau seluk.
6. Iha sentru vasina balun (becora) partisipasaun komunidade ba simu vasina tun kompara ho loron anterior tanba sira akompanya notisia iha media TV konaba vasina AZ
7. Iha sentru vasinasaun balun laiha faselidade prevensaun ba covid-19 hanesan fasilidade fase liman, hand sanitizer, be mos no fasilidade saniamentu
8. Spasu ba pesoal saude sira atu fo atendimento ba populasaun sira la adekuadu no la hijene
9. Kampanye sensibilizasaun la masimu no laiha orario ba komunidade atu mai simu vacina avizu verbal deit, Komunidade balun rona tutan informasaun husi vizinu laos husi pessoal saude.
10. Maioria sentru vasinasaun pessoal saude sira la halo konsulta uluk ho komunidade bainhira ba rejistru hodi hatene konaba istoria moras komunidade nian maibe maibe sira koko tensaun deit. . Situasaun ida ne'e akontese iha sentru ne'ebe estabelese iha UNTL, iha municipio Covalima,Ermera no Manatutu.
11. Iha sentru vasinasaun balun pesoal saude la halo tuir orariu vasina nian nebe determina oras hahu 08.00 to 17.00. iha implementasaun oras hahu no oras ramata vasina depende ba oras prezensa no numeru komunidade sira nebe atu simu vasina.
12. Sentru ne'ebe estabelese iha UNTL dok husi komunidade

13. Pesoal saude no doutor sira La uza Ekipamentu Protesaun Pesoal (EPP) ho kompletu wainhira fo vacina ba komunidade.
14. Persiza halo gestaun ba transporte ou ambulancia nune bele faselita pessoal saude sira atu fo atendimento ba komunidade tanba sempre atraja tanba ambulancia ida deit halo operasaun ba fatin barak situasaun akontese iha Dili sentru vacina UNTL
15. Iha sentru vasinasaun balun lixu la tau separadu no tau besik fatin nebe komunidade tur hodi hein simu vacina
16. Fatin observasaun iha maibe laiha pessoal atu halo observa komunidade ne'ebi simu ona vacinasau nune balun vacina hotu fila kellas la tuir protokolu katak sei observa durante 20 minutus.
17. Spasu ba komunidade atu ba simu vacina klot tanba ne kauza ema halibur malu la tuir protokolu saude konaba distansiamentu fiziku.
18. Maioria sentru vasinasaun la asesivel ba Ema ho Defisiensia (EhD) no idozus sira

### **Konkluzaun no Rekomendasaun**

#### **Konkluzaun**

Husi Resultadu deskobrimentu sira ne'e konklui katak vasinasaun ne'e importante ba sidadaun hotu-hotu iha Timor-Leste tamba ne'e guvernu presija iha estratejia oin-oin oinsa atu bele hasae taxa partisipasaun sidadaun nian no oinsa sidadaun sira bele vasina hotu tuir guvernu nia indikador ba atinjimentu sira katak sidadaun sira bele vasina to'o 80% iha teritorio Timor-Leste tomak. Husi ne'e sosiedade civil hanesan parseiru ida importante oinsa halo avaliaun ba servisu hotu-hotu liu hosi monitorizasaun no advokasia ba rezultadu sira ne'ebi deskobre hodi fo ba ministeriu saude oinsa bele hadia mekanismu implementasaun vasina nian hodi nune'e povu Timor-Leste bele hasae imunidade sidadaun nian hodi kombate moras COVID-19 iha Timor-Leste.

#### **Rekomendasaun**

Rekomendasaun importante no urgente atu hadia ita kurtu prazu

1. Ministerio saude atu organiza sasan logistic sira hanesan kartaun, jestaun ba distribuisaun vacina liu-liu stok vacina no hadia atendimento husi pessoal saude ba populasaun sira.
2. Ministerio saude presiza garante stock vasina nebe suficiente iha SAMES no sentru vasinasaun sira hotu atu nune atendimento vasina ba komunidade sira lao normal..
3. Ministeriu saude tenki garante stock Ekipamentu Protesaun Pesoal nebe suficiente ba doutor no pesoal saude bainhira sira halao vasina ba komunidade sira
4. Midia hosi Ministeriu Saude presiza proaktivu atu divulga informasaun konaba importansia vasina hodi proteje komunidade hosi Covid19 atu nune bele minimiza informasaun hoaks nebe dala rumahamosu konfuzau iha komunidade nia let.
5. Governu presiza intensifika kampanha konaba importansia vasinasaun atu proteje komunidade hosi Covid19 atu nune kmunidade ho konsiensia rasik ba simu vasina laos tanba hakarak simu vasina hodi bele lao ka sirkula livre. Kampanha ne tenki involve autoridade suku no aldeia atu nune komunidade iha area rural sira bele asesu ba

informasaun nebe los. Asesu informasaun ba komunidade tenki konsidera mos ba maluk defisiensia sira liu liu defisiente tilun no matan

6. Persiza pessoal saude sira iha municipio tomak atu bokan moris no servisu ho professional nune'e bele presta atendimento diak ba populasaun sira ne'ebi simu vacina
7. Ministeriu Saude no ministeriu finansas atu halo pagamentu ba pesoal saude sira nebe sei kontratadu no linha frente ne'ebi halo ka'nar iha municipio hotu tamba durante ne'e sidauk hetan pagamentu atu nune labele dez anima sira halo atendimento vasina ba komunidade sira
8. Ministeriu saude atu buka fatin vasinasaun ne'ebi iha asesibilidade ba ema ho defisiensia no idozus sira atu nune'e ferik no katuas no ema ho defisiensia sira bele hola parte iha vasinasaun ho diak.
9. Iha sentru saude balun propoin ba governu, liu-liu ba Ministeiru de Saúde atu apoiu Ambulansia ba sentru refere.
10. Husu mós ba Ministeiru saúde atu fasilita hahan meudia ba pesoál saúde sira, atu nune'e to'o 12:00 sira han iha fatin de'it no kontinua atende komunidade sira ne'ebi hein hela atu simu vacina.
11. Rekomenda ba Ministeriu Saude atu rehabilita fasilitade saude ( sala konsulta mos at ona, odamatan no janela haris fatin mos at) iha Centru Saude Formosa tanba afeta ba pesoal saude sira halo atendimento ho diak.
12. Rekomenda ba Ministeriu Saude atu estabelese Ekipa Vasina Movil hodi bele atende Ema ho Defisiensia no katuas ferik sira iha sira nia hela fatin atu nune sira la senti esklui hosi programa ida ne.